

Мисрлик фазилатли шайх, мураббий, муҳаддис Мустафо Абу Сулаймон Надвий ҳазратлари бошчилигидаги бир гуруҳ меҳмонлар Термиз шаҳрига сафар қилишди



17:42 / 07 сентябрь 984

Мисрлик фазилатли шайх, мураббий, муҳаддис Мустафо Абу Сулаймон Надвий ҳазратлари бошчилигидаги бир гуруҳ меҳмонлар юртимизга ташриф буюргани ҳақида аввал [хабар](#) берган эдик.

Азиз меҳмонлар Ўзбекистон бўйлаб зиёратлари давомида 5 сентябрь куни Термиз шаҳрига сафар қилишди.



Ислом оламининг номдор шахсиятлари бўлган буюк муҳаддис бобомиз Абу Исо Термизий ҳазратлари билан Ҳаким ат-Термизий ҳазратларининг мажмуалари зиёрат қилинди.





Бугунги кунда Термизий алломаларнинг илмий меросини ёйиш борасида салмоқли ишлар амалга оширилмоқда.

Жумладан, Имом Термизий халқаро илмий-тадқиқот маркази фаолияти давом этаётган бўлса, яқинда Имом Термизий номидаги ислом институти очилди ва илк талабаларини қабул қилмоқда. Бу ҳақда меҳмонларга маълумот берилди.

Олимлар борган жойда илм суҳбатлари бўлиши табиий.

Одатга кўра шайх Мустафо Абу Сулаймон Надвий ҳазратлари ҳам диёримизнинг улўф зотлари ҳақларига дуолар қилиб, уларнинг хизматлари, илмий фаолиятлари ҳақида гапирдилар. Фурсатдан унумли фойдаланиб мўътабар китоблардан ўқилиб, ижозалар берилди.

Меҳмонларнинг юртимиз бўйлаб зиёратлари давом этмоқда.